

1. „PENNY PLUS“ D.O.O. SARAJEVO, Igmanska bb, 71320 Vogošća, identifikacioni broj: 4200162210002, zastupan po generalnom direktoru Almedinu Kadriću (u daljnjem tekstu: dobavljač) i
2. JU OSNOVNA ŠKOLA „HADŽIĆI“ HADŽIĆI, Zlatnih ljiljana 57, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: naručilac),

zaključili su dana 31.12.2019. godine

U G O V O R

O NABAVCI I ISPORUCI DRVENOG PELETA

Član 1.

Predmet ovog Ugovora je nabavka i isporuka **9.000,00 /devethiljada/ kg drvenog peleta** za potrebe područne škole u Binježevo koja se nalazi u sastavu JU Osnovna škola „Hadžići“ Hadžići, a na osnovu prihvaćene Ponude „PENNY PLUS“ d.o.o. Sarajevo broj: 19-0100-003962 od 27.12.2019. godine koja je sastavni dio ovog Ugovora.

Član 2.

Ukupna vrijednost ovog Ugovora, prema specificiranoj količini i ugovorenoj jediničnoj cijeni iznosi: **3.076,92KM (slovima: trihiljadesedamdesetšest i 92/100 konvertibilnih maraka)** bez PDV-a i **3.600,00 (trihiljadešeststotina konvertibilnih maraka)** sa PDV-om.

Član 3.

Krajnji rok za realizaciju ovog ugovora je 30 /trideset/ dana od dana njegovog zaključivanja.

Član 4.

Naručilac je dužan isplatiti cijenu u iznosu navedenom u članu 2. ovog Ugovora u roku od 30 /trideset/ dana od dana zaključivanja ovog ugovora.

Član 5.

Dobavljač je dužan:

- Isporučiti robu prema naručiocu;
- Izvršiti sve radnje neophodne da roba bude spremna za prijem kao što su: pakovanje, otprema, utovar, prijevoz i osiguranje, obavljanje svih neophodnih administrativnih i komercijalnih formalnosti, prijevoz i istovar do krajnjih destinacija, provjera funkcionalnosti i kontrola svih funkcija i sve druge usluge u smislu pripreme robe za prijem na njeno odredište;
- Uredno izvršiti Ugovor prema važećim propisima, štititi prava i interese naručioca, te ga obavještavati o toku realizacije Ugovora;
- Snositi sve rizike do konačnog prijema robe na krajnjem odredištu, u roku koji je propisan Ugovorom;
- Izvršiti isporuku predmetne robe naručiocu na adresu Područna škola „Binježevo“, Binježevo 31, 71240 Hadžići, Bosna i Hercegovina.

Član 6.

Naručilac je dužan:

- Izvršiti obavezu iz člana 4. ovog Ugovora;
- Izvrši preuzimanje robe. U ime i za račun naručioca kvantitativni i kvalitativni prijem će izvršiti ovlaštena osoba. U slučaju da se utvrdi da je roba oštećena ili neispravna, odnosno da nije u skladu sa zahtjevom, o tome će se sačiniti poseban izvještaj-zapisnik i isti uputiti dobavljaču da se u roku 7 dana izjasni u pogledu utvrđenih nedostataka u robi.
- U slučaju da se dobavljač u ostavljenom roku ne izjasni na okolnosti iz prethodne tačke, naručilac ima pravo da od dobavljača zahtjeva da o svom trošku i na svoj teret utvrđene nedostatke ukloni; da od dobavljača zahtjeva isporuku robe bez nedostataka; da raskine ugovor i zahtjeva naknadu štete.

Član 7.

Ako slučaj više sile koja potpuno ili djelomično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 3 (tri) dana od dana nastanka više sile o tome obavijesti drugu Ugovornu stranu na način koji je u danoj situaciji moguć (telegram, telefax, e-mail i sl.). Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Član 8.

Sve moguće međusobne sporove po ovome Ugovoru, Ugovorne strane će rješavati sporazumno, a ako u tome ne uspiju, ugovaraju nadležnost suda u Sarajevu

Član 9.

Ovaj Ugovor stupa na snagu danom potpisivanja Ugovornih strana.

Član 10.

Na sve odnose i institute koji nisu utvrđeni ovim Ugovorom, a proiziđu prilikom njegove primjene, koristit će se odgovarajuće odredbe Zakona o obligacionim odnosima.

Član 11.

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

DOBAVLJAČ

NARUČILAC

/Almedin Kadrić/

/Denana Alispahić, prof./

Broj: _____

Broj: 1558-1/2019

Datum: _____

Datum: 31.12.2019. godine